

Sección de bolsas  
Pavillón de Estudantes  
Campus de Elviña  
15071 A CORUÑA  
Correo electrónico: [bolsas@udc.es](mailto:bolsas@udc.es)

## CONVOCATORIA DE PRAZAS PARA O ESTUDANTADO DA UNIVERSIDADE DA CORUÑA NA RESIDENCIA PÚBLICA UNIVERSITARIA DE FERROL CURSO 2017-2018

A Universidade da Coruña convoca as prazas de aloxamento para o curso académico 2017-2018 na residencia pública universitaria (Campus de Ferrol), consonte as seguintes bases:

### **BASES**

#### **1ª.- SOLICITANTES:**

Poderán solicitar praza na residencia pública universitaria de Ferrol o estudiantado matriculado no Campus de Ferrol da Universidade da Coruña que cumpra os requisitos esixidos nesta convocatoria (Anexo I) e que vaia desenvolver as súas actividades académicas no Campus de Ferrol durante o período lectivo do curso académico 2017-2018.

#### **2ª.- NÚMERO DE PRAZAS E DURACIÓN DAS AXUDAS**

As prazas que se ofertan na Residencia Pública de Ferrol son as que se relacionan no Anexo II. O período de duración da estadía será do 10 de setembro de 2017 ao 9 de xuño de 2018. A residencia permanecerá pechada do 24 de decembro ao 1 de xaneiro e do 29 de marzo ao 1 de abril, sen que esta circunstancia implique redución do prezo.

O estudiantado que curse estudos no Campus de Ferrol só poderá acceder a axuda da “Convocatoria de Axudas de carácter xeral do plan propio da Universidade da Coruña destinadas ao aloxamento para o estudiantado para o curso 2017-2018” sempre que, unha vez solicitada praza na Residencia Pública, cumprindo os requisitos da convocatoria e pechado o proceso de adxudicacións non lla concedan por falta de prazas.

#### **3ª.- SOLICITUDE. PRAZO E LUGAR DE PRESENTACIÓN**

As solicitudes de prazas deberán cumprimentarse a través da aplicación informática a que se accede dende:

<https://aplicacions.sic.udc.es/SolicitudResidencias>.

Unha vez cumprimentada, a solicitude deberá ser impresa e asinada pola persoa solicitante e polos demais membros computables da unidade familiar e deberá presentarse xunto coa documentación esixida nos anexos na Sección de bolsas da Universidade da Coruña (Pavillón de estudantes- Campus de Elviña. A Coruña) no SAPE do Campus de Ferrol (Rúa Dr. Vázquez Cabrera, s/n –Esteiro-Ferrol). Presentarase unha única solicitude por persoa.

O prazo de presentación a partir do día da publicación da convocatoria e remata as 14 horas do día 21 de xullo de 2017.

#### **4ª.- EXCLUSIÓN**

Non serán admitidas as persoas solicitantes que non cumpran os requisitos esixidos nesta convocatoria e ademais:

a) as persoas a quen, no curso 2016-2017 se lle comprobaran discrepancias relevantes entre os datos académicos e/ou económicos que se declaran e os que constan nos arquivos da universidade, e se así for perderán, o seu dereito á praza.

b) As persoas que, o día 24 de xuño de 2017, mantivesen cantidades pendentes de pago en concepto de dereitos de aloxamento do curso 2016-2017.

c) Como regra xeral, quen tiver o domicilio familiar no termo municipal de Ferrol así como na súa área metropolitana que comprende os municipios de: Miño, Cabanas, Pontedeume, Ferrol, Fene, Narón, Valdoviño, Neda, Ares, Mugardos e Cedeira.

d) Non se concedera esta axuda cando se superen os límites de patrimonio familiar marcados polo Real Decreto polo que se establecen os límites de renda e patrimonio para o curso 2017-2018 para as axudas e bolsas do Ministerio de Educación, Cultura e Deporte (pendente de publicación), nin cando a renda persoal dispoñible supere os 13.500 €.

e) Aquel alumnado que no curso 2017-2018 estea de ERASMUS, nun programa de intercambio ou convenio bilateral de mobilidade

#### **5ª.- TRAMITACIÓN DAS SOLICITUDES. ACEPTACIÓN E FIANZA.**

Unha vez que remate o proceso de avaliación de solicitudes publicárase a relación provisional de admitidos, coa puntuación acadada, así como a relación de solicitudes excluídas, xunto coa causa que implica a súa exclusión. As persoas interesadas disporán dun prazo de sete días hábiles para achegaren a documentación que permita emendar os erros que se apreciaren. Posteriormente publicárase as relacións definitivas de admitidos nas residencias, a listaxe de agarda e os excluídos.

Todas as listaxes publicaranse na sede electrónica da Universidade da Coruña así como na súa páxina web: <http://www.udc.es/estudiantes/ga/guia522.asp>.

#### **6º.- FIANZA**

No caso de serlle concedida praza na residencia pública de Ferrol o importe da fianza será de 150€ no caso de habitacións duplas e 200€ no caso das individuais.

O ingreso da fianza farase co modelo normalizado “ingresos” que se facilitará co código de ingreso 320.016-Fianza Residencias .O prazo para presentalo no SAPE de Ferrol será de cinco días hábiles desde que saia a lista definitiva.

A entrega do xustificante servirá como confirmación da aceptación da praza por parte da persoa adxudicataria. Esta deberá, así mesmo asinar o documento de aceptación das condicións xerais que rexen o aloxamento na residencia. Se non cumprise algún destes trámites entenderase que renuncia á praza que se lle concedeu e procederase a cubrila pola seguinte persoa na lista de agarda.

A fianza devolverase ao final do curso, agás naqueles casos en que o residente deteriore as instalacións ou a moblaxe do centro, tiver pendentes débedas ou abandone a residencia por decisión propia antes de rematar o curso.

A asignación dos cuartos aos residentes efectuarase na residencia.

#### **7º.- PERDA DO DEREITO A PRAZA**

Ademais dos motivos que se recollen no Regulamento de residencias e noutros apartados desta convocatoria, serán motivos de perda do dereito á praza que se conceda os seguintes:

- Atraso no pagamento das cotas de residencia en máis de dous meses.
- O feito de realizar calquera tipo de cesión a outra persoa da praza que se concedeu.
- Anulación ou suspensión de matrícula.
- Modificación da matrícula e debido a isto deixar de estar matriculado a tempo completo.

Rematado o proceso de adxudicación de prazas a Universidade da Coruña verificará na AEAT (Axencia Tributaria) a exactitude dos datos económicos achegados polos solicitantes e procederá a revogación da praza no caso de haber discrepancias cos datos declarados.

As prazas adxudicadas serán revogadas pola Universidade da Coruña cando non se cumpran os requisitos establecidos, cando exista ocultación, falseamento dos datos achegados ou por circunstancia sobrevida que faga que a persoa beneficiaria deixe de reunir os requisitos esixidos.

A ocultación ou falseamento dos datos declarados conlevará a perda da praza. A UDC poderá determinar que se da ocultación ou falseamento por calquera medio de proba, e en particular, mediante os datos que obren en poder de calquera outro órgano das administracións públicas. A UDC tamén poderá denegar a praza ou proceder a súa revogación no caso de se detectaren unidades familiares que xustifiquen uns ingresos que obxectivamente estean por debaixo do seu nivel de gastos si non acreditan os medios de vida cos que contan.

#### **8º.- PREZOS E NUMERO DE PRAZAS QUE SE OFERTAN**

As prazas que se ofertan son 22 e os prezos que ten que aboar o alumnado son os establecidos no Anexo II.

#### **9º.- RÉXIME XURÍDICO DA PRESENTE CONVOCATORIA**

Aplicarase así mesmo como lexislación supletoria o Real Decreto 1721/2007 do 21 de decembro polo que se establece o réxime das bolsas e axudas ao estudo personalizadas, o Real Decreto polo que se establecen os límites de renda e patrimonio familiar e as contías das bolsas e axudas ao estudo para o curso 2017-2018 e a Convocatoria de bolsas de carácter xeral do Ministerio de Educación, Cultura e Deporte para o curso 2017-2018 para o estudantado universitario (pendentes de publicación).

#### **10º.- AUTORIZACIÓN PARA OBTEN DATOS DA AXENCIA TRIBUTARIA**

A presentación da solicitude de praza de aloxamento implicará a autorización á Universidade da Coruña para obter e verificar a través das correspondentes administracións tributarias os datos precisos para determinar a renda familiar dos membros computables da familia da persoa solicitante, así como aquelas outras situacións acreditativas das situacións persoais alegadas e que estean en poder dalgunha administración pública, a efectos de obter praza na residencia pública de Ferrol. Para iso é imprescindible que as solicitudes sexan asinadas por todos os membros computables da familia.

## 11º.- DISPOSICIÓN FINAL

Para os efectos previstos no artigo 45 da Lei 39/2015 do do 1 de outubro de procedemento administrativo común das administracións públicas, a presente convocatoria e os sucesivos actos do procedemento de concesión cuxa publicación se determina nestas bases, serán publicadas no taboleiro electrónico oficial da Universidade da Coruña.

A Coruña, 22 de xuño de 2017

O reitor

Julio E. Abalde Alonso

## ANEXO I

### REQUISITOS PARA SOLICITAR A ADMISIÓN

Como regra xeral, no caso dos solicitantes de praza de aloxamento na residencia pública de Ferrol, o domicilio familiar deberá estar fóra do termo municipal de Ferrol ou da súa área metropolitana que comprende os municipios de: Miño, Cabanas, Pontedeume, Ferrol, Fene, Narón, Valdoviño, Neda, Ares, Mugardos e Cedeira.

Para a adxudicación desta axuda requírirase que a persoa solicitante acredite que, por razón da distancia do domicilio familiar ao centro docente e os medios de comunicación existentes, ten que residir fóra do domicilio familiar durante o curso.

### REQUISITOS PARA PERSOAS SOLICITANTES DE NOVA ADMISIÓN, GRAO E MESTRADO UNIVERSITARIO OFICIAL

Estes solicitantes deben cumprir os seguintes requisitos:

Matricularse na Universidade da Coruña no curso 2017-2018 en titulacións do Campus de Ferrol nun grao ou ben nun mestrado universitario oficial.

O estudantado que acceda por primeira vez a estudos universitarios mediante as ABAU deberá ter nas mesmas unha cualificación igual ou superior a 5 excluindo a nota da fase específica. No caso do alumnado que acceda por primeira vez a estudos universitarios sen ABAU deberá de ter un 5 de nota media nos estudos que lle dean acceso á universidade.

O resto do estudantado (grao e mestrado universitario oficial) deberán ter como mínimo a media seguinte:

- En estudos de ensino técnico: 3,5
- Nos restantes estudos universitarios e superiores: 4

En todos os casos a puntuación académica será en base 10 e estará referida sempre ata a convocatoria de xuño de 2017.

Para o cálculo da nota media en base 10 aplicaranse as seguintes regras:

1.- As cualificacións computaranse de acordo co seguinte baremo:

- a) Mención de matrícula de honra (Sobresaliente e Mención) = 10 puntos
- b) Sobresaliente (entre 9 e 10 puntos) = 9 puntos
- c) Notable (entre 7 e 8,9 puntos) = 7,5
- d) Aprobado ou apto (entre 5 e 6,9 puntos) = 5,5
- e) Suspenso, Non presentado, renuncia, anula convocatoria = 2,5 puntos

2. Cando se trate de planos de estudo organizados en materias, a nota media calcularase dividindo o total dos puntos obtidos entre o número total de materias.

3. Cando se trate de planos de estudo organizados en créditos, a puntuación que resulta de aplicar o baremo anterior a cada materia ponderarase en función do número de créditos que a integren de acordo coa seguinte fórmula:

$$V = \frac{P \times NC_a}{NC_t}$$

V= valor resultante da ponderación da nota media obtida en cada materia

P= puntuación de cada materia segundo o baremo do apartado anterior

NCa= número de créditos que integran a materia

NCt= número de créditos cursados e que teñen a consideración de computables nesta convocatoria.

Os valores resultantes da aplicación da citada fórmula sumaranse, sendo o resultado a nota media final.

No caso de non estaren matriculados no curso 2016-2017, os requisitos académicos esixiránelles respecto ao último curso realizado.

### REQUISITOS PARA PERSOAS SOLICITANTES DE DOUTORAMENTO

Poderán ser admitidos a trámite como estudantes de doutoramento, para os efectos desta convocatoria:

- O estudantado que reúna os requisitos de acceso ao doutoramento que vaia solicitar a súa admisión nalgún programa de doutoramento da Universidade da Coruña no curso 2017-2018. A concesión da subvención estará condicionada á matrícula definitiva dos solicitantes nos estudos de doutoramento, e perderán de forma automática o dereito á axuda no caso de non seren aceptados nos citados estudos. A matrícula ten que ser a tempo completo.

- O estudiantado que estea no segundo ou terceiro ano da fase de elaboración de tese de doutoramento deberá presentar o informe de rendemento positivo do director da tese ou a avaliación correspondente de investigación para o alumnado ao que lle sexa de aplicación o RD 99/2011, do 28 de xaneiro, polo que se regulan as ensinanzas oficiais de doutoramento (BOE núm. 35 do 10 de febreiro). A matrícula ten que ser a tempo completo.

## REQUISITOS PARA A RENOVACIÓN DAS PRAZAS DE ALOXAMENTO

A renovación será automática nos seguintes casos:

- Se as persoas solicitantes cumpren os requisitos académicos recollidos na Anexo I desta convocatoria.
- Se non existe informe negativo da residencia.
- Si se manteñen condicións económicas similares as que permitiron a obtención da praza no curso anterior.

## RESERVA DE PRAZAS

- un 20% das prazas de cada tramo para alumnado que inicie estudos, no caso de que non acade ningunha desas prazas.
- Resérvanse dúas prazas gratuítas para convenios que, de non cubrirse, concederíanselle a estudiantado do cupo xeral
- Un 10% das prazas (dúas prazas) para o estudiantado que estea de estadia na nosa universidade en intercambios internacionais. No caso de quedaren prazas vacantes, esta porcentaxe podería ampliarse.

No caso de resultaren prazas vacantes poderán ser concedidas ás persoas solicitantes que non cumpran coa nota media esixida. Concederanse en primeiro lugar a residentes no curso anterior empezando polos de nota media máis alta e a continuación aos solicitantes de nova admisión empezando polos de renda dispoñible máis baixa.

## INCOMPATIBILIDADES

Esta axuda é incompatible coa concesión da contía fixa ligada a residencia da Convocatoria de **Bolsas do** Ministerio de Educación, Cultura e Deporte, así como con calquera outra axuda ou bolsa que teña a mesma finalidade.

No caso de quedaren vacantes este alumnado poderá ter praza na residencia abonando a cantidade indicada no Anexo II.

## ANEXO II

**RESIDENCIA UNIVERSITARIA PÚBLICA NO CAMPUS DE FERROL****“Residencia Universitaria Pública”**

Rúa Sánchez Barcaiztegui, s/n

**Ofértanse nesta Residencia Pública 22 prazas****16 en habitación individual****6 en habitación dobre**

As prazas serán outorgadas en función da puntuación total conforme aos criterios académicos e económicos da persoa solicitante de acordo coas bases da presente convocatoria:

Prezos por praza (euros/ mes) que paga o estudiantado

NUMERO DE PRAZAS		
16	CUARTO INDIVIDUAL	110 €/mes
6	CUARTO DOBRE	85 €/mes

No prezo desta residencia pública inclúense os consumos de calefacción e electricidade. Na solicitude desta residencia o alumnado deberá marcar a preferencia de habitación individual ou dobre mediante a opción de 1ª e 2ª.

No caso de resultaren prazas vacantes e poderen optar a elas os bolsellos do Ministerio co compoñente de residencia, a cantidade a aboar será

CUARTO INDIVIDUAL	160 €/mes
CUARTO DOBRE	115 €/mes

O alumnado na solicitude deberá priorizar o tipo de cuarto que solicita no caso de querer calquera deberá poñer (Exemplo. 1º individual, 2º dobre) Isto indicará que se non consegue individual quere ir a dobre. No caso de marcar só unha opción non irá a seguinte.

## ANEXO III

### DOCUMENTACIÓN QUE SE DEBE ACHEGAR COAS SOLICITUDES

#### I.- DOCUMENTACIÓN XERAL

- Copia do DNI da persoa solicitante e dos membros computables da familia maiores de 14 anos. No caso de seren menores de 14 anos copia do libro de familia.
- Certificado de convivencia do Concello no que figuren todos os membros que vivan no domicilio familiar, incluído o/a solicitante.
- As persoas con discapacidade: certificado de cualificación da discapacidade.

#### II.- DOCUMENTACIÓN ACADÉMICA

- O estudantado que se incorpore por primeira vez á Universidade da Coruña deberá achegar o documento acreditativo da cualificación final obtida nas ABAU (copia tarxeta selectividade).
- O estudantado que proceda de F.P. deberá achegar certificación académica persoal dos estudos que lle dean acceso a universidade.
- O estudantado grao ou mestrado universitario oficial que no curso 2016-2017 estivese matriculado nunha universidade distinta a UDC deberá presentar unha certificación persoal dos estudos realizados.
- O estudantado de terceiro ciclo que acceda por primeira vez a un programa de doutoramento, deberá presentar unha certificación académica das cualificacións obtidas ao longo de todos os cursos da súa carreira no caso de que non realizara a carreira na Universidade da Coruña. No caso de estar realizando os cursos de doutoramento, deberá presentar un xustificante de estar matriculado neses cursos e unha certificación das cualificacións obtidas nos xa realizados no caso de non ser alumna/o da UDC.

#### III.- DOCUMENTACIÓN ECONÓMICA

- Copia completa da declaración da renda das persoas físicas referida ao exercicio 2016 dos membros que constitúan a unidade familiar á que pertence a persoa solicitante xunto coa folla de liquidación do ingreso selado pola entidade bancaria ou delegación de Facenda de que foi presentada ou ben a constatación de tela presentada por internet.
- Copia dos recibos da contribución urbana (catastro) do exercicio 2016, excluída a vivenda habitual.
- No caso de non ter a obriga de presentar a declaración da renda, deberá achegar segundo sexa o caso, a seguinte documentación:
  - Certificado de imputación de renda expedido por Facenda correspondente ao exercicio 2016 e certificados de haberes e retencións, certificado de prestación, vida laboral e subsidios de desemprego, documento da/s entidade/s bancarias no que consten os rendementos de capital mobiliario e ganancias e perdas patrimoniais percibidas durante o ano 2016.
  - No caso de seren pensionistas copia do xustificante anual da pensión ou pensións.

De selo caso deberase achegar tamén:

- Copia da sentenza de separación ou divorcio e convenio regulador.
- Xustificación de viuvez, soltería, separación ou divorcio do pai/nai do/a solicitante.
- Xustificante de orfandade absoluta do/da solicitante.
- Copia da acta de constitución de sociedades e do imposto de sociedades.

Rematado o proceso de adjudicación das prazas, a Universidade da Coruña verificará na Axencia Tributaria (AEAT) a exactitude dos datos económicos achegados pola persoa solicitante e procederase a revogación da axuda no caso de haber discrepancias cos datos declarados.

**ANEXO IV****BAREMOS PARA A AVALIACIÓN DAS SOLICITUDES DE PRAZA**

A puntuación total será a suma das puntuacións académica e económica obtida consonte aos seguintes criterios:

**A) Puntuación académica**

Para estudantes que inician estudos universitarios a puntuación académica será a cualificación obtida nas probas de acceso á universidade, excluindo a nota da fase específica. No caso de que se acceda á Universidade sen ABAU a puntuación académica será a media do expediente dos estudos que lle dean acceso á universidade.

Para o resto do estudiantado de grao e mestrado universitario oficial a puntuación académica será a nota media calculada consonte ao especificado no Anexo I desta convocatoria.

Para o estudiantado de terceiro ciclo a puntuación académica virá dada pola nota media obtida nos seus estudos de acceso ao doutoramento conforme ao establecido no parágrafo anterior.

**B) Puntuación económica**

A puntuación económica outorgarase en función da Renda Persoal Dispoñible definida como a Renda familiar da persoa solicitante, calculada segundo establece o Real Decreto polo que se establecen os límites de renda e patrimonio familiar e as contías de bolsas e axudas ao estudo para o curso 2017/2018 así como a Convocatoria de bolsas de carácter xeral para o curso 2017-2018 do Ministerio de Educación, Cultura e Deporte, dividida polo número de membros da unidade familiar.

A equivalencia será a seguinte:

<b>RENDA PERSOAL DISPOÑIBLE (RPD)</b>	<b>PUNTOS</b>
Por debaixo de 3.771 euros	4
Entre 3.771,00 e 4.822,66 euros	3,6
Entre 4.822,67 e 5.874,33 euros	3,2
Entre 5.874,34 e 6.926,00 euros	2,8
Entre 6.926,01 e 7.977,67 euros	2,4
Entre 7.977,68 e 9.029,34 euros	2
Entre 9.029,35 e 10.081,01 euros	1,6
Entre 10.081,02 e 11.132,68 euros	1,2
Entre 11.132,69 e 12.184,35 euros	0,8
Entre 12.184,36 e 13.236,00 euros	0,4
Superior a 13.236,00 euros	0

**C) Puntuación por discapacidade**

A Vicerreitoría de Estudantes, Participación e Extensión Universitaria poderá conceder unha puntuación adicional de entre 0 e 4 puntos ás persoas solicitantes de acordo co seu grao de discapacidade e as súas implicacións para a mobilidade e o desenvolvemento das actividades cotiás. Esta puntuación sumarase á obtida de acordo co seguinte baremo:

Grao de discapacidade 33%: 1 punto

Grao de discapacidade entre o 34% e o 50%: 2 puntos

Grao de discapacidade entre o 51% e o 75%: 3 puntos

Grao de discapacidade superior ao 75%: 4 puntos

A Coruña, 22 de xuño de 2017